



辯美妙辯相續辯於諸辯才皆悉知已於如  
來所敬信尊重而作是言世尊有陀羅尼名  
無量門若有菩薩修集是陀羅尼者當知得  
彼不斷辯等於一切境界中心不迷惑是諸  
境界無有一法非陀羅尼是菩薩摩訶薩得  
是陀羅尼時於諸法中悉得陀羅尼解辯才

無礙若菩薩住是無量法門陀羅尼時於五  
陰入十二入入十八界入於諸根入四諦入  
十二因緣入於衆生入及非衆生入於有入  
非有入於取想入非取想入於依入非依入  
於空入於我入於相入非相入於願入非願  
入於有爲入無爲入如是一切處得不壞辯

才是菩薩於陰入中得陀羅尼所謂色陰者  
即非成就何以故無有少色法得成就者何  
以故地界性非成就如是水火風界性亦非  
成就何以故地性離故若法無體性是名非  
成就如是水火風性自離故以法無體性是  
故非成就如是色非成就以非成就故不可

說名過去現在及以未來何以故色非有法  
故是故不可得若色不生者即是不滅以不  
生滅故即不可說復有如是說所有過去色  
現在未來色此等和合名爲色陰其色體性  
亦不可得何有過去現在未來是故色陰非  
是可說受想行識亦復如是是故陰入即是

陀羅尼入以陀羅尼入故陰不可得以陰不  
可得故陀羅尼亦不可得以陀羅尼入不可  
得唯是但名但用但假但是世俗但是言說  
但是施設非陰非色亦非色入亦非陀羅尼  
體性可得何以故所謂陰等非是作法以非  
作法故無有積聚以積聚故得名爲陰譬如

人九

二

世間多物積聚假名城屋舍宅殿堂重閣樓  
闕窓牖欄楯城壁女牆却敵窬孔周迴具足  
名之爲城彼色性即不可得無有積聚以無  
積聚故即便無色亦無色陰受想行識亦復  
如是性不可得無有積聚以無積聚故即便  
無識亦無識陰彼諸陰入應如是知彼眼入

者是誰入謂苦入何者是眼謂清淨四大所造色名爲眼何等是四大謂清淨地界水火風界彼淨地界性自離故以法體不可得彼即非成就如是清淨水火風界體性自離以法體不可得彼即非成就如是眼入非成就是故不可說言過去現在未來何以故眼入

非物以非物故不生不滅若不生滅者即是不可說如是眼不生滅入亦不生滅以不生滅故即是不可說應當如是知唯是但名但用但假但是世俗但是言說彼名名體亦離自性何以故無有一法得名爲眼名爲入名爲苦以名不可得是故眼入亦不可得以眼

不可得即是陀羅尼入是陀羅尼入亦不可得何以故性自離故但名但用但假施設世俗言說如是以眼入入得陀羅尼得陀羅尼已便得辯才當知耳鼻舌身意色聲香味觸法亦皆如是於彼界入得陀羅尼眼眼體不可得界體不可得何以故眼離眼性故界離

人九

三

界性故以法體不可得彼即非物以非物故即非成就非成就者不生不滅以不生滅故彼即非過去非現在非未來但名但用但假但世俗但言說但施設彼名離名自性乃至施設亦離施設自性若法無自性不可得者即是非物以非物故即非成就非成就者即

非生滅以不生滅故彼即非過去非現在非未來若於三世所不攝者彼名即非相亦非想非用非假非有爲非可說非來非去非可爲他說非可顯示非可知非可識非黑非白非窟宅離窟宅故非至非可至故非得非可得故非證非可證故非凡夫亦非凡夫地非

聲聞亦非聲聞地非緣覺亦非緣覺地非菩薩亦非菩薩地非佛亦非佛地非地亦非非地此即是真如不異如非非如寂滅無相但用但假謂如來者但世俗故說名如來非第一義有如來也何以故彼法不可得故無如來於彼界入應當入如是眼耳鼻舌身意界

法界意識界如是一切餘界亦應知應當如是廣入法界世尊彼法界說言陰時而不壞彼法界本性說言入時說言界時說言四諦時說言十二因緣時亦不壞本法界體性彼法界隨所說處一切諸法建立名字皆不壞彼法界體性世尊譬如地界隨其所在作異

名字而不壞彼本地界性世尊如是法界隨其所在作異名字亦復不壞法界本性如是水火風界亦復如是世尊譬如虛空隨其所

在差別異用而不壞彼虛空體性世尊如是法界隨其所在差別名用而不壞彼法界體性世尊入諸根時即是入法界言諸根者所謂眼根耳根鼻根舌根身根意根男根女根命根樂根苦根喜根憂根捨根信根精進根念根定根慧根未知欲知根知根知已根彼眼眼體不可得根根體不可得何以故是眼離眼自性故以法無體性彼即非物以非物故即非成就非成就者彼即不生若不生者

人九

四

即是不滅以不生滅故不可說言彼是過去現在未來若於三世中不生滅者彼即非眼亦非眼根云何有用應如是知世尊譬如空拳虛誑無物但有名字乃至言說於第一義中空拳亦無如是眼及眼根猶如空拳虛妄非實而現虛相誑惑凡夫但有名字乃至言

說於第一義眼及眼根俱不可得如是世尊得一切智已為度衆生故說名為根彼等諸根於第一義性自離故根體皆空其法體空者用亦虛妄非有非實誑惑凡愚離自性故不生不滅不生滅者不得說言彼是過去現在未來若於三世中無者彼即無名無相非

可說非可為他說非生非可生非已知非當知非已聞非當聞非識非可識非已證非當證非已得非當得非已見非當見非已到非當到何以故彼非有故世尊譬如有人於其夢中受樂喜笑嚶語遊戲是人亦時從寐寤已憶念夢中受樂遊戲念已求之不見不得

何以故彼人夢中受樂喜笑藝語遊戲尚自無實何況寤時若見若得無有是處世尊如是諸根猶如夢中受樂遊戲實不可得如是一切諸法體性亦不可得以不可得故不可說言彼是過去現在未來若於三世中不可得者彼即不可說一切諸根當如是知世尊

人九

五

若入法界即入一切法入一切法即是入法界世尊入四諦法即是入法界何等為四謂苦集滅道世尊亦說一切諸法皆悉是空非衆生非命非補伽羅非想非相我等於此法中無有疑慮世尊以無衆生故亦復無苦何以故衆生無處苦諦亦無以無苦故集諦亦無何以故無如是因而無果者世尊以無集故滅諦亦無何以故無集諦故亦無斷集以無滅故道諦亦無何以故無有是道不斷集者世尊道果者謂是滅諦彼煩惱不可得斷煩惱滅亦不可得以滅不可得故道亦不可得

無有如是道而無其果此四聖諦但是分別虛妄非有以非有故不可說言過去現在及以未來若於三世中不可得者彼即非生非滅非相非想非設非可設非示非可示非顯非可顯非語言非可語言非言辭非可言辭非說非可說非見非可見非知非可知非識

非可識非測非可測非達非可達非到非可到非得非可得非聞非可聞非見非可見非對非可對非證非可證非白非黑非明非暗非去非來非淺非深非清非濁非畏非安非縛非解非憎非愛非煩惱非清淨非智非非智非路非非路非壞非非壞非攝受非非攝受非生死非非生死非可得非不可得非衆生非非衆生非命非非命非壽者非非壽者非我非非我非物非非物非空非不空非相非非相非願非不願非依非不依非有爲非無爲非斷非常非邪非正非實非妄非妄想非非妄想非處非非處非宅非非宅非知非

不知非捨非修非生死非涅槃非覺非不覺  
 非凡夫境界非聲聞境界非緣覺境界非菩  
 薩境界非佛境界非境界非非境界非作非  
 不作如是入諦即是入法界入法界已即得  
 陀羅尼得陀羅尼已即得辯才入十二因緣  
 即是入法界無明緣行行緣識識緣名色名

八九

六

色緣六入六入緣觸觸緣受受緣渴愛渴愛  
 緣取取緣有有緣生生緣老死憂悲苦惱是  
 衆苦大聚如是無明滅則行滅乃至憂悲苦  
 惱滅衆苦大聚滅世尊彼無明無明體不可  
 得何以故性自離故若法無體性彼即非物  
 以非物故即非成就非成就者非生非滅非

生滅者即非過去非現在非未來若於三世  
 中不可得者無名無形無相無想亦非差別  
 唯是但名但假但用但世俗但言說為教化  
 一切凡夫衆生故彼無明於第一義實不可  
 得不可得者即非差別用亦不可說世尊若  
 是但名乃至但施設彼即非實唯是虛妄言

說分別覺觀非定但是戲論彼無明若無自  
 性者云何能生行無明無故行亦不生以不  
 生故彼即不老不病不死不流轉即不生何  
 以故若不生者云何有老以無老故乃至不  
 生若不生不死者即是一切過現未來諸佛  
 菩提但世俗名字非第一義所言無明即是

菩提當知諸有支亦復如是如是入十二因  
 緣當知即是入於法界世尊如來不生一切  
 諸法亦不生是故一切法即是如來如來不  
 滅一切諸法亦不滅是故一切法即是如來  
 世尊如來無相一切諸法亦無相是故一切  
 法即是如來略而言之如是無相不可得非

八九

七

垢非淨非愛非憎法界不可識亦復不可知  
 世尊真如者即是如來一切諸法即是真如  
 是故一切法即是如來世尊實際者即是如  
 來一切諸法即是實際是故一切法即是如  
 來世尊隨所法中即有如來於其法中即有  
 一切法是故一切法即是如來世尊若有人

言如來得阿耨多羅三藐三菩提者彼諸衆生是計著見何以故如來不二菩提亦不二不二者不能覺悟於不二世尊若復有人作如是言如來轉於無上法輪彼諸衆生是執著見何以故如來非進退世尊若復有人作如是言如來滅度無量衆生彼等一切皆是

執見何以故一切諸法實無衆生是故無有得滅度者世尊若復有人作如是言如來利益無量衆生彼等一切是取著見何以故如來不爲利益衆生亦復不爲不利衆生出現於世世尊若復有人於未來世作如是言如來捨壽彼諸衆生皆是執見何以故法界無

攝受亦無捨故世尊若復有人作如是言如來入於無餘涅槃界彼諸衆生是計著見何以故法界非生死亦非涅槃世尊若復有人於我所說法能決定知者彼諸衆生於阿耨多羅三藐三菩提皆不退轉世尊假使法界有其變異是諸善男子善女人能如是信者

必定當覺無上菩提無有變退亦時八億廣果諸天於世尊所演說自己所證法已頭面禮足右遶三匝却住一面合掌而立異口同聲以偈讚佛

敬禮善逝知法者 那羅延力大導師  
憐愍一切勝牟尼 方便示現於真實

既自了知一切法 如實顯示諸世間  
稽首無量功德身 智慧最勝無上士  
如是真實微妙法 聖說相應無有異  
世尊無等大醫王 能令衆生法眼淨  
敷演八種真聖路 爲得無上大菩提  
歸敬無量功德身 智慧最勝無上士

八九

八

顯示菩提正直道 畢定趣向大涅槃  
獲得無等勝菩提 寂滅安隱最堅固  
度脫多億那由他 輪迴生死苦衆生  
頂禮無量功德身 智慧最勝無上士  
觀察五陰悉空無 陰體畢竟不可得  
彼陰即體離諸觀 唯誑愚惑癡衆生

凡夫於此悉被縛  
 智者於斯得解脫  
 諸界即體性自空  
 彼空亦空無自性  
 凡夫於此皆被縛  
 智者觀察得解脫

猶如猕猴膠所粘  
 遊行無礙如空風  
 一切智人如是說  
 究竟求之不可得  
 都由不知真實性  
 於其三界無所著

諸入無體自空寂  
 猶如空拳虛非實  
 凡夫妄起取著心  
 墜落生死皆喪壞  
 彼等諸根性自空  
 譬如鏡中現面像

一切智人如是說  
 誑惑愚癡衆生輩  
 皆由於法生疑惑  
 猶如商人沒巨海  
 畢竟推求不可得  
 其像無實畢竟空

凡愚無智於此著  
 猶如衆鳥入羅網  
 衆生無體離生相  
 譬如壁上彩畫像  
 凡夫無智而取著  
 智者觀彼得解脫

正由不知真實法  
 亦如淵中所釣魚  
 依真求之不可得  
 究竟無實衆生相  
 皆由不知真實我  
 猶如卯生出於殼

人九

九

因緣生法悉無常  
 譬如夢中所受樂  
 愚無智慧爲彼縛  
 智人觀察得解脫  
 如佛功德不思議  
 諸法無相如牟尼

皆悉空寂離攀緣  
 非實誑惑癡凡夫  
 由不思量妄分別  
 猶如飛鳥出籠網  
 一切諸法亦如是  
 法體寂滅如涅槃

諸法無依如如來  
 是故所有成佛者  
 諸法無怖如世尊  
 諸法難思如導師  
 法無分別如善逝  
 是諸如來妙境界

於其三界不取著  
 皆由得知此義故  
 不起自身及他想  
 唯佛能知導群生  
 非是凡夫心所行  
 唯佛大聖能了知

若有無智作是言  
 若復有人作是言  
 若復有人作是言  
 彼悉爲見之所縛  
 若人謂佛如是說  
 若言十力入涅槃

佛證無等大菩提  
 世尊已轉妙法輪  
 善逝已度那由衆  
 皆由不知真實性  
 殺害行陰及與命  
 利益無量衆生已

彼人一切皆執見  
不能解知真如法  
若有善知是非者  
當獲無上功德聚  
斯即真如無變易  
人中無上最勝尊

入於魔罣之所縛  
以不知故不知佛  
彼皆能知大導師  
成佛憐愍於世間  
一切諸法離疑惑  
我等已知如是義

如是廣果諸天衆  
對佛導師自演說  
一切欣喜無疑慮  
此是如來微妙法  
尔時世尊知廣果諸天深信具足於佛法中  
決定無疑欲令大衆種善根故而現微笑尔

時慧命馬勝以偈問世尊言  
智慧導師功德山  
我從善逝親自聞  
如來示此微笑相  
天人脩羅大導師  
今見如來從面門  
咸皆於法得盡知  
現已內心淨信解  
各自見已當成佛  
彼即自受導師記  
非是無因而現笑  
世尊現笑必有因  
今衆皆受清涼樂  
惟願演說笑因緣  
所現微笑甚清涼

此諸衆會悉懷疑  
大悲最勝人中上  
世間若得從佛聞  
世尊彼等諸天衆  
以何功德獲何果  
開演微妙梵音聲

一心瞻仰如來面  
願說希有微笑因  
決定必除疑惑心  
咸皆演說自授記  
願說成佛神通事  
惟願普斷諸有疑

一切大衆聞佛說  
斯等合掌皆一心  
佛子天衆各思惟  
是諸衆會有疑惑  
必當得力知是非  
得聞如來八種音

皆悉踊悅甚欣喜  
淨心瞻仰恭敬住  
希求無上大菩提  
惟願如來爲除斷  
具足成就一切智  
天衆靡不皆喜悅

當得護持如來教  
觀察知彼天心已  
以是大衆生欣喜  
今於導師願得聞  
若蒙如來解說已  
廣果諸天如法行

隨順正法如說行  
無上大智願解說  
於佛法中得信解  
天衆過去所修行  
所願皆悉得滿足  
必得成就一切智

當度世間諸群生 顯示真如法體性

爾時世尊即以偈答慧命馬勝曰

善哉馬勝汝知時 今者問我正是宜

我為廣果諸天輩 於此大眾現微笑

今當為汝分別說 咸皆一心共諦聽

所現微笑因緣義 汝及大眾悉得聞

人九

士

如來具足一切智 觀察因緣有三種

二足德聚正觀已 而現微笑示世間

有樂住於涅槃者 少智微淺願聲聞

復有樂住默然者 志求辟支佛菩提

復有樂求世導師 成佛大力那羅延

我觀彼等深信已 隨所樂欲而度脫

為求聲聞示現者 當知是其最下笑

應當知我中品笑 為求辟支而示現

馬勝當知此上笑 為諸天眾授佛記

我說此三解笑因 所謂最下及中上

善解世間勝導師 而作微笑現瑞相

佛知眾生欲三乘 願樂求證於聖果

為求聲聞現笑者 微笑光明從足沒

為求辟支所示現 當知笑光入齋輪

為受無上十力者 其光從佛頂上入

馬勝汝今應當知 微笑因緣有三種

我向所現微笑光 彼光於我頂上沒

當知光所現微笑 悉為無上菩提記

我今當更為汝說 微笑復有三種因

善哉馬勝及大眾 一心靜意俱諦聽

前現微笑為佛者 其光即從頂上入

有光少時住身腰 須臾沒者為辟支

我現微笑放光明 暫時在於足前住

斯光隨乘而變現 當知此為聲聞人

今復更說微笑因 馬勝諦聽有三種

導師所放諸光明 出已圍遶於十力

其光既出皆踈散 還復速聚遶身腰

漸漸轉復更增廣 亦還右遶於如來

有光初停後廣大 漸漸右遶於我身

彼光悉徧世尊形 與身俱等無有異

其光莊嚴佛身相  
牟尼所放微笑光  
有光出已猶如蓋  
有光如花空中住  
彼光一切皆右旋  
當知此光記壽命

人九

斯等三種微笑光  
馬勝汝今應當知  
世間導師所現相  
今於如來教法中  
是諸廣果天衆等  
廣說微妙正法門

壽命具足無有量  
是故如來現斯瑞  
此諸天衆於過去  
常得值遇諸世尊  
又復經於三十六  
斯等大士住世間

暉赫猶如真金聚  
當知此光記刹土  
於上徧覆世尊身  
其光照曜於導師  
三帀圍遶如來身  
出世大智現斯瑞

十二

善逝隨根差別現  
此是三種微笑因  
善知衆生深信樂  
汝等聞此得除疑  
其數滿足有八億  
各於異刹得成佛

經由多劫住於世  
廣大光明五種色  
三十有六僧祇劫  
親承供養習諸善  
阿僧祇劫廣修行  
供養如來未曾倦

思惟救度衆生故  
供養世尊應其宜  
彼諸天衆未來世  
成妙牟尼功德山  
是諸如來各自住  
彼佛同號日光輪

一一如來各住世  
此諸善逝所集衆  
一一導師成佛時  
十力住經那由劫  
若有算師悉共聚  
當時所有諸菩薩

皆悉發心住佛乘  
於其清淨國土中  
是諸菩薩所修行  
彼諸如來滅度後  
經於十二那由劫  
此諸佛法熾盛時

數數勤修供養佛  
希求無上大菩提  
當得作佛那羅延  
其劫號曰勝金幢  
清淨莊嚴國土中  
具足無量功德聚

經於無量那由劫  
無量無邊不可數  
所有聲聞弟子輩  
算數彼衆不可盡  
亦算彼衆不能盡  
倍多於彼聲聞衆

十三末

願得當成一切智  
悉當成佛具十力  
皆如本師無有異  
正法與顯久住世  
爲諸佛子所護持  
有發無上菩提心

其數過於恒河沙

皆悉勤修菩薩行

彼諸善逝滅度已

所有一切聲聞眾

斯眾皆悉得涅槃

過於大海諸沙數

如是彼諸佛正法

具足興顯於世間

饒益無量諸眾生

彼教如法大興盛

如是聞佛所說已

一切大眾皆信解

必當得成佛世尊

廣能利益諸群生

是時眾會悉欣喜

頭面禮拜如來足

無等恭敬於善逝

如法供養天人師

是故踊躍發精進

猶如有人救頭然

常應親近善知識

勤修般若波羅蜜

此是見實勝進行

汝等比丘應修習

當成無上二足尊

功德如山利世間

大寶積經卷第六十九

卍

人九

大寶積經卷第七十

人十

高齊北天竺三藏那連提耶舍譯

菩薩見實會第十六之十

淨居天子讚偈品第二十三之一

爾時淨居諸天子知無量眾生得住菩提於

佛法中無有疑慮已稱意踊悅各以妙偈讚

佛功德爾時信施天子以偈讚曰

所愛妻子施 并捨所重身 乃至王位財

我禮檀度者

爾時樂持戒天子以偈讚曰

如來本持戒 一切無所著 獲果到彼岸

我禮戒度者

爾時樂忍天子以偈讚曰

佛昔修忍辱 堪受解支節 初無悔惱心

我禮忍度者

爾時樂精進天子以偈讚曰

不退勇健者 精進有大力 已得上菩提

我禮進度者